

皇明經世文編

皇明經世文編卷之一百八十二

徐平遠闇公 陳子龍臥子

李序

選輯

宋徵璧尚木 何 剛愨人

李 恂恂如叅閱

桂文襄公奏疏

桂 萼

疏

進輿地圖疏

輿地圖

臣惟隆古帝王求講政務親與其臣面相可否猶懼其未也乃陳地圖焉於是乎九州地域廣輪之數民

情七俗之宜，如指諸掌而後行之。是故一時允賴，我太祖高皇帝奮起民間，人之情偽實備嘗之。地之險易實徧歷之。太宗文皇帝亦與有間關之勞。故當時延訪儒臣，皆出其胸中之實見，所以斟酌損益百代之制，百六十年未易改也。自時厥後，列聖相承，

雖莫不具上聖之資，而視祖宗之實，嘗周遊民

間者，有間矣。是以延訪之典，或作或輟。孝宗皇帝

嘗銳意行之，終以不能徧知人情土俗而止。正德以

當是大臣聚多正人而才力不足，以振起弊政。

事幸欣見止此。
來積十有六年，上下之情，於是大隔而欺蔽遂有不

可止者。則所當修復。祖宗之舊。使上下各得自盡。正在今日。臣待罪輔臣。愧無裨補。乃者備員吏部。凡遇考績朝覲官員。密加訪問於地方之民情土俗。亦各得共一二。除摘其論列之近似者。裝成三冊。上請施行外。敢復卽天下土地。分爲十有七圖。各具叙紀。又裝成一冊。上獻。伏惟。皇上清閒之燕。復披此圖。必如我。祖宗之親歷地方者。然則延訪之際。皆有實據。人豈能欺之哉。

序

大明輿地圖序

右今日輿圖全盛如此，臣聞古二帝三王，統一區宇，血氣之屬，莫不尊親，凡以功德並隆，而仁澤廣被之效也。後有作者，靡不威加海內，功成混一，然而尊親之意微矣。惟我太祖高皇帝用夏變夷，思與天下更始，非有利其土地人民之心，是以中外華夷，莫不嚮風。及今百六十餘年，而有司失此意矣。土著之民，困于徵求，邊疆之士，苦於戰鬥，故國或異政，家或殊俗。於是有一統之名，而迄不見一統之盛治。孟軻氏

所謂盡反其本者其不在今日乎臣謹法周禮職方氏取兩京十三省四夷約而爲圖者十六稍加叙次義兼詳略而冠以是圖要以見別五服等華夷審方官人任土作貢戢農兵謹封守興地利飭人材糾違逆弼教化協風土時勢之宜章柔遠能邇之治皆不出此道又將以明我皇上所以光昭丕業克應天心者惟是好生一念庶天下百司於道知所嚮而不虛役其志云

北直隸圖序

北直隸占其州地京師卽金元舊都也。展山帶海有

金湯之固真定以北至于永平關口不下百十而居

庸紫荆山海

俱關

喜峯古北黃花鎮

俱口子在順天府東北境

險阨

尤著故薊州

順天府屬

保定重兵屯焉山後諸州

自宣府東南至

遼陽

俱是故我大寧都司地也。自

國家棄以與虜

今茶顏三

是則居庸之外所恃以爲藩籬者宣府耳廣平以南

四方水陸畢會于臨清

山東屬州

轉漕京師輻輳而進若

天津又海運通衢也

國初江南糧運俱從海道今廢惟薊州運道猶通

河間

真定保定之間多達兵營塢其人性獷難馴且東安

霸州武清俱順天府屬而東野曠人稀姦宄伏匿頗基腹
心之患。迤山一帶則樵採耕牧之利居多姦人每竄
其中有司病之蓋賦繁民困戶口流亡雖畿甸同風
而順天之馬政寄養馬匹河間之水潦患尤烈焉。

南直隸圖序

南直隸古揚州地南京卽六朝舊都也我祖宗創
業實基於此然江限南北古今特爲天險江北則徐
穎二州鳳陽府屬地跨中原瓜連數省並稱雄鎮故淮安
特建兵府漕運衙門守以文武重職雖職司轉運亦示控

扼之勢焉。江南則安慶當長江委流，西控全楚。

江西湖廣

俱楚地。

爲江表門戶，沿海兵戍，本以備倭，而崇明常熟

俱蘇州府屬縣。

之民間，作弗靖，與江洋一帶，出沒波濤，肆行

剽劫者，不可勝計。故今江防海備，其重一也。若廬州

則民習游惰，地不盡利，鳳陽習俗本同，加以高墻留

守之冗費，故皆易以告飢。

蘇州松江

則田賦不均，供

億日困豐沛。

俱徐州屬縣。

之間，濁河泛濫，幾淪魚鱉，轉餉

既艱，民亦凋瘵。蓋水患莫甚于斯者也。徽州多山少

田，民逐末利，風俗用偷。池州在山麓江澨，軍民統理

不一。寇盜因以竄匿。鎮江則當京口之衝。鑿山圍水。海潮出沒。土田歲易處。謂山田多荒白。圍田多坍江。民勞苦矣。

山東圖序

山東古青州地。外引江淮。內包遼海。西面以臨中原。

而川陸則悉會于德州。

濟南府屬。

自海道既廢。遂以其西

境爲餽運通衢。南盡邳徐。

俱南直隸州。

北泝天津。歲有河

運。患築塞挑濟之勞。舟車牽挽之役。所在不免。而充

州水潦爲虐。則民之疾苦莫甚焉。矧京儲邊餉之外。

王祿是供。六郡徵輸。於斯爲急。而青州

青濟州。

之間。號

多鑽賊。禁戢尤難。公私益交病之。若遼陽遼東自爲區

域。地本膏腴。舊皆郡縣。民用安土。設衛以來。生齒稍

稀。惟遷徙謫戍之人多歸焉。雖漸規恢復可也。登州

萊州萊州本海運故道。然勢險難圖。成山沙門一帶多海

稽之往蹟。則平度州萊州府屬東南有南北新河。水源出

至膠州。分流爲南北新河。自膠州入新河。西行一百

四十里。卽至萊之海倉。復入北海。以其自膠抵萊。故

又名膠萊。元時所濬以避蓋嘗治閘。故蹟在迤北新

迤東海道數千里之險。控衛名在青州東南境。則避開洋之險。宜亦

有可講者。

山西圖

山西古冀州地。背臨朔易。

沙漢是

表裏河山。蓋有俯挹

中州之勢焉。析代

二州俱太原府屬

以北。虜數內侵。故大同

特設征鎮。與延綏

在大同西

宜府

在大同東南

互爲聲援。鴈門

偏頭寧武

三關俱在太原北境

並置關戍。雖烽火之警不殊。而

套

河套

賊爲急。且保德河曲

保德州河曲縣俱太原府屬

之間。與虜

僅隔一河。

黃河

稍或撤備。則門庭皆勅敵矣。若蔚州

大同

府

之鑽徒臨晉

平陽府屬縣

之屯卒

藩府屯軍

潞城

潞州屬縣

之通

民。並以山谷阻深。乘時沙暴。要亦不足屯結也。然邊

餉既廣宗室彌蕃一切供輸自歲賦之外皆仰給河東之鹽課三晉之民勞瘁甚矣而邊卒方且叫喚待哺帥臣號令爲之不行此則積習流弊非漸圖之不可也

陝西圖序

陝西古雍州地山河四塞形勝甲于天下然平涼固原平涼屬州一帶畜牧蕃滋外乏屏蔽胡騎漸已侵入鞏鞏屬鳳翔之墟若延延安慶陽則原野蕭條兵亦精勁寧夏則跨有賀蘭山黃河之險虜難馳驟故爲備差易

蓋本朝開拓以來。受降故城。

唐張仁愿嘗築三受降城于河外以禦虜。久

乘不守。自移鎮榆林。

延綏鎮城。河套境是。

盡爲虜有。烽

火遂達于內郡矣。甘

甘涼州。涼州。

以西。左番

西番。右達虜。北

肅州尤孤。故土魯番。

在肅州西北二千餘里。

輒肆侵犯。以爲河

西憂。洮岷西寧。則地入西羌。

西番。

實與四川同患苦。且

亦不刺。

北虜小王子枝將。

以殘孽窟居西海。

在西寧西境。

番人漸

以南徙。

今松潘膺腊地方是。

國家旣失茶馬之利。

每歲番人獻馬易茶

頗資其利。

而逋寇生齒日繁。則西境腹心之禍也。若漢中

之襟喉巴蜀潼關。

在西安府東南。

之保障全陝。並稱重地。而

險者在我矣。然所在罄力以供邊。奉宗室。而平涼尤甚。閭閻愁苦。又何加焉。

河南圖序

河南古豫州地。閩閩中夏。四方輳進。蓋彰德則控河

北。

今北直隸是。

嵩洛以蔽山南。

今陝西南境是。

南陽汝寧直走襄

黃

襄陽黃州俱湖廣屬府。

之郊。而開封則其都會也。由開封以

沂衛河。可以漕山東。沿汴泗。可以漕淮。故言形勝者

次關陝焉。然分建宗親。班祿無藝。以今計之。歲賦幾

至百萬。民亦勞矣。且歸睢陳州

三州俱開封府屬。

一帶。地兼

數省。統轄非一。姦人常藉以首難。勦捕則潰逸。四出

禍延他境。彰德道出趙

山北直西魏隸

之間。軍民左右屬

盜雖斂跡。而牽制之患。實與歸德同。若考七郡之地。山水環互。民物茂實。則汝寧爲優。鑄山獵野。依憑險固。強弓利弩。出乎其間。則河洛河南爲著。然上地未闢。教令未馴。非課農宣化。加意拊循。則寇盜劫奪之禍。歲不免矣。

浙江圖序

浙江古揚州地。崇山巨浸。所在限隔。然嘉

嘉興湖州與湖

江淮相表裏嚴

嚴州

衢州

以徽

直隸徽州府

饒

江西饒州府

爲鄂

郭左信郡

江西廣信府

右閩關

在福建北境

大海東蟠繞出淮

淮安揚州

之境斯固四通八達之區也安吉長興

安吉州長

興縣俱湖州府屬

以西本山越巢窟界在廣德

南直隸州

之間上

無兼轄之司訟訐繁興頗號難治嘉湖寧波紹興四

郡則震澤

今太湖是

東海之所經也泖衝淤壅大遺三農

之害而鹽徒

嘉湖易通舟楫故私鹽尤多

之患次之處州之民多

依山盜鑛動至數千持之則激緩復馳縱慶元

處州屬縣

松溪

福建屬縣與處州接界

一帶歲被侵暴温州

温州

台州

台州並海而

南信宿再宿達于福寧福建屬州估客良便之然不能不防

他寇也若倭夷奉珍入貢則風帆直指寧波突至倭

來點詐叵測先事而備其在定海寧波屬縣即夷舟所從入乎

江西圖序

江西古揚州地當吳南直楚湖廣閩福建粵廣東之交險阻

既分形勢自弱安危輕重常視四方若保境和民則

九江獨據上流牽制沿江州郡且密邇南康濱臨巨

湖鄱陽盜舟四出不可無備南南贛贛贛州之間則汀漳

汀州漳州俱雄韶南維韶韶州俱諸山會焉連州跨境

福建屬府廣東屬府

林谷茂密盜賊之興斯爲淵藪故設巡撫重職提師以臨之袁州地逼長沙湖廣屬逋民客戶頗難譏察而

南昌建昌饒州宗室固在民疲供億視臨臨江吉安瑞

州瑞信廣撫州諸郡殆有加焉故凡江西之民樸質儉

苦有憂勤之思弘治以來賦役漸繁土著之民少壯者多不務穡事出營四方至棄妻子不顧而禮俗日壞惡少間出矣

湖廣圖序

湖廣古荊州地襄襄陽鄧今河南鄧州抗其頭顱黃州

府屬黃州黃州引其肘腋。江陵州荆州制其腰腹。伸膝南向亦

足以雄視諸州矣。若郎陽之保商陝陝西河南郴州州

桂本州之跨閩福建州府之捍蔽雲

貴。大江中貫五溪在常德辰州地方外錯荆楚阨塞。斯其備

焉。蓋二儀交靈。山川獻秀。故王氣獨鍾于潛邸。然襟

江帶湖。所至民罹水患。寇盜亦復乘之。過此則永州

寶慶之間。謹備苗夷而已。矧宗藩恭布。歲賦寔繁。楚

俗慄慄。鮮思積聚。於是四方流民失業者多赴焉。故

其率詣窳而難治。豁洞諸蠻施州及永保所屬地方本以漢法

羈縻。差易馴擾。惟永順保靖世席富強。每爭奪獲罪。輒假戰功自贖。奸謀徧構。驕橫滋萌。朝議不明。猥加徵發。使遠方之民坐困。且久而玩敵。將貽異日之憂。謂宜定令。毋輒輕發。斯則善矣。

四川圖序

四川古梁州地。劔閣

即劔門。關在保寧北境。

表雲棧之固。瞿塘

峽名在夔州城東。

鎖巴峽之流。界以沓簇。

西沓。

以蠻部。

東川烏蒙

部是。

山水襟束。自相藩籬。故奸雄割據。則盜兵不

敢西窺。地饒而險。阨備也。然姦宄內作。懸車束馬。勢

不相及。有難猝定者矣。况上列 藩重兵外戍。諸所

供饋咸取給焉。且松潘以孤城介在番域。而寄咽喉

于龍州。宣撫司千里轉運。輒為番蠻所遮。斯則巴西之

隱禍也。烏撒芒部。印鎮諸夷。四軍雖犬牙形格。仰我

鼻息。然內相黨結。數啓兵釁。且於叙州。敘瀘州有唇齒

之重要。在因俗撫綏。携其私黨而已。乃若棚門。地名

六番招討司治此之臂視諸番。播州。宣慰司之富藏四省。播州地方

與湖廣雲貴俱鄰接殆與蜀相為盛衰者焉。建昌六衛僻處西

徼。自為奧區。民夷安業。非所憂矣。

福建圖序

福建古閩越地以溫處衢

溫州處州衢州俱浙江屬府

信

江西廣信府

爲北藩建昌南贛

建昌南安贛州俱江西屬府

爲右壁惠潮

惠州潮州

俱廣東屬府

爲外戶海爲門封壤促甚而重關內阻溪山

秀美民用以和然處

浙江處州府

人輒用盜鑛流入政和

壽寧

俱建寧府屬縣

之境大爲患害古田

福州府屬縣

福寧一帶

本竊魚鹽之利山谷深邃逋寇每憑之而嘯聚但不

常出也濱海上下外過倭寇之流近通琉球之貢不

爲要害而海物互市妖孽薦興

通番海賊不特出沒

則漳浦龍

溪之民居多。且汀漳之山尤廣。人跡罕到。獨與

贛州

江西屬府

聲勢相通。提督兵備實交治之。而永春安

溪

俱泉州府屬縣

沙尤

俱延平府屬縣

之間。則屬之捕盜官矣。

四縣交界

盜頗多。蓋簡僻莫如邵武。鬻訟莫如漳州。土沃民稀。耕稼自給。兵燹不加。則八郡一也。

廣東圖序

廣東古百粵地。蓋五嶺之外。號爲樂土。由雄

南雄連州

廣州

可以向荆吳

湖廣江西是

由惠

惠州潮州

可以制閩越

福建

由高州

高州廉州

可以控交桂

交趾廣西是

而形勝亦寓

皇明經世編

桂文襄集

輿地圖序

十一

平露堂

馬。濱海一帶。島夷之國數十。雖時時出沒。要其志在貿易。非盜邊也。然諸郡之民恃山海之利。四體不勤。

惟務剽掠。有力則私通番船。

記名通番。因而行劫海上。

無事則挺

身爲盜。桴鼓之警。彌滿山谷。凡以良民困於徵求。通

山之禁久弛。

亦謂之接濟。賈送鹽米入山。通盜者謂之通山。

教治不修。而大征數

舉之過也。且審邇蒼梧。

廣西梧州府。

征蠻幕府在焉。

總鎮兩廣。

太監總兵都御史俱住劄于此。

軍旅之興。殆無寧歲。兵糧供饋。咸以

待乏。况地產珠池。

在廉州境內。

番物駢集。本民用所興而

內使數來采辦。民反病之。故外負富饒之名。而內實

貧困者。廣東是也。

廣西圖序

廣西古百粵地。當嶺南右偏。三江

府江左江右江

襟帶。提封

甚廣。然內給藩封。外困邊圉。而風壤氣習。又視廣東特異。如府江綿亘八百里。則已半爲苗夷所有。阻兵

江道。肆爲寇竊。不但古田荔蒲數縣。

俱桂林府屬

苦其蠶

食而已。潯州則大藤峽跨在黔鬱二江

俱在潯州境內

之間。

諸蠻巢穴在焉。剽劫四出。急則投竄。雖有上隆州

州

府屬。五屯所

在梧州府藤縣境內扼其咽喉。不足制也。若興安

桂林

府屬 在興安 西延六峒 在興安 與武岡州 湖廣 陽峒接壤

實據之。是為桂林北境之患。柳 柳慶遠 慶遠以西則入寨

在柳州 號為盜區 洛容懷遠 俱柳州 並罹慘毒而賓

州 柳州 其襟喉矣。然右江一帶惟岑氏 今思恩田寧

俱 思恩田寧 是 恩田寧 最强。思 恩田寧 既已殘破則泗城州猶嬰樊之虎

計非削弱不可也。且南寧控遏兩江坐躡交趾 自南寧太

平西南入 約十餘程。桂筦保障或者其在是乎。

雲南圖序

雲南古梁州裔境地。崇岡巖嶂激澗縈紆城郭人民

夷居十七。時恬則蜂屯。蟻聚有事則獸駭禽奔。蓋人自爲險。勢難統一者也。必知其領要。則雲南臨安大

理永昌鶴慶楚雄。頗號沃壤。然元元臨安路納交阯。

金金齒司後改設永昌軍民府騰騰衝地擁諸甸。瀾滄聯絡寧寧麗。

麗麗江曲靖彈壓烏蠻四川烏撒烏蒙等府是王公設險於斯要矣。

而土酋大者元江武定景東麗江。小者姚安北勝鄧

川霑益鄧川屬大理霑益屬曲靖俱州並以兵力稱桀。向背靡常。益

自麓川難夷正統間土酋任思發以麓川叛常發兵討平之滇境粗安。則沐

氏黔國世與有力焉。惟尋甸一帶風土絕異。兵衛漸

疎故諸羅

武定東川等族俱羅夷

構釁相尋而木邦孟密亦恃

其險遠至今不聞悔禍咎在撫綏失策本無置制可

言然滇南北向中州必假道貴陽

貴州

而後進稍值兵

梗坐令隔絕則滇池之達馬湖

四川屬府

武定之達建昌

四川行都司屬衛

川陸具存久而榛塞在今日所宜亟講而

萬里投宦類難得人則夷情蠢動未爲無故此尤不可不慎也

貴州圖序

貴州古西南夷羅施鬼國地地里蠻夷並同滇境而

山箐峭深。地瘠寡利。夷性猾詐。殆有甚焉。故泗城州

廣西土官衙門恣其狼吞伺竊。外戶則守在永寧。州名芒部。今鎮

雄府。盤據廣土。蹲伏北藩。則憂先畢節。若思南石阡銅

仁數郡。界在鎮筳。鎮筳。子坪。俱長官司。隸湖廣。酉播。酉陽宣慰司。播州宣慰司。

俱隸四川。夷峒之間。鴟張豕突。諸夷常突出。數郡寇掠。貽患寔深。况

地雜東川烏蒙諸部。俱四川軍民府。師旅繹騷。每與川湖川

湖同其災害。而軍民歲計。又大半仰給於二省。兵荒

交值。時有弗繼之憂。且水西普安凱里。俱土官地方。諸酋

富甲他夷。地連肘腋。逞姦首禍。患豈一朝。故知梟鏡

之資。不忘格鬪。而爭疆奪職。乃其兵端焉。然夷虜自相剪伐。貴在因俗。以時撫定。不足煩國家力也。

四夷圖序

今之四夷。北虜爲急。國初設大寧都司。屯重兵鎮之。其地繞出山後。而遼東宣府大同。勢相連屬。自偏頭關。逾河跨西北。大虜之警。守在東勝。在今河套之北。近受降城。卽其地。河套之南。又有榆林。在今延安府綏德州北境。實爲六鎮。後棄大寧。移置都司於保定。而宣府遼東。勢始分矣。正統以來。有司又失守東勝。大虜乃得逾河。而偏頭關。迤

西。遂有河套之虞。因循既久。有司又不肯以時巡套。東勝之鎮。併近內地。形勢愈弱。於是所賴以衛京師。防邊虜者。不過遼東宣府大同榆林四鎮而已。夫四鎮所領各堡。亦有精壯。苟足其糧餉。守備等官。勤加巡哨。爲之牽連。援救自足。以各守地方。督率耕牧。從古備邊之道也。今則撫臣假調操以自固。夫鎮城本爲牽連所領各堡地方。令有統屬而設。今凡各堡精壯士卒。盡聚鎮城。名曰調操。以習攻擊。實乃自爲備禦之計。遂致各堡地方。徒以老弱疾病者守之。虜寇縱橫。無復能爲耕牧者矣。將帥假按伏以爲奸。夫精壯既畢集于鎮城矣。又每假按伏爲辭。調兵四出。以致各堡不得備禦。而堡中老弱。反受供億。

騷擾之苦。軍士乏正支之糧。而將帥等官。反以尅減行糧爲務。地方屢失糧餉。屢乏實此之故矣。若哈密之失守。土魯番之拒命。則由近日文臣貪功。置制失宜。失中國之信。不足爲慮。大虜自套來者。則亦不刺一種竄于陝之西海。地方蔓延。至于西寧。使一帶地土不得耕種。士民不得安業。直抵洮岷。頗難制禦。則其勢有可慮者。今惟有痛革調操按伏之弊。堅壁固守。勤加巡哨。爲耕牧長計。而無徂近利。乃可爲也。其治南蠻之邊。則在率土著良民。得以自相守望。一或不支。爲之連屬。附近地方策應。

之。如湖廣之永靖廣西之兵。置之不復徵調。民足相死。兵不毒民。無貪功之文臣。無貪利之武將。亦不數年而安然矣。

右以上論調操按伏。乃今日之弊耳。臣又聞兵無定形。古人云。五指之更彈。不如合拳之一。扶我聚彼。故擇要害

之地。選良將。統精兵。數萬。賊來分散。搶掠。聚者不過

分乃初勝之上。策非調操。必不可用。在干將帥得

數千。我常以數萬逐數千。其算不爲不是。但今邊將

人此言。最能變通已說

多不知兵。所爲俱被賊誘而復之。故將不得人。不可

言調操也。

又聞兵忌形露賊來不知我之虛實必攻墩誘我我不往應但分兵按伏於屯堡或依山林或阻溝澗乍隱乍見使賊見我堡屯處處有兵而不露多少之形攻墩又不往應自生疑懼矣及賊散入屯堡又被我伏兵擒斬彼敢復深入乎今或一聞賊來攻墩卽發兵擡營往救賊反得以設伏誘我縱我不爲所誘彼常以精卒數千絆我於外卽堡寨之內盡爲蹂踐矣

此與前標一事相同若善用之可以取

若使我兵不受其絆於外彼敢無忌憚若是乎故將

時兵紅常形也

不得人亦不可以言按伏矣

又聞近之善守邊者每十餘墩必總委一官提調十墩之中擇一可守者先儲米數石水數缺賊近邊卽斂十墩之軍共處一墩每墩止留善走者一人舉煙放炮又潛來共墩而處賊若攻墩不分有軍無軍墩分俱寂然無聲彼攻空墩常多半日之勞而卒無所得攻有人之墩則輒被木石擊傷而墜相繼來者見我各墩煙火齊舉卽莫測孰爲有守而自畏矣所謂以靜制動以佚待勞常形人不形於人者此類是也然此法須先遠探俟賊往之處我乃提兵問道而往

伏於要害。誘而取之。乃爲得策。今皆不揣敵情。不分
奇正。一槩鳴鼓遽出兵。未集而形已露。曾何益乎。故
將不得人。凡調操按伏。反爲邊防弊政。故不得不痛
革者。况帝王之道。以全取勝。此固在所不講者也。

皇明經世文編卷之一百八十三

華亭

徐孚遠開公 陳子龍臥子

編輯

宋徵璧尚木 李 雯舒章

宋學垣友姚叅閱

席文襄公奏疏

疏

席 書

南畿賑濟疏

賑粥

今歲南畿旱澇相仍，民饑殊甚，已經有司疏聞，下廷此公爲南學成時所議賑卹第饑民甚多，錢穀絕少，恐難給濟，須別等策

皇明經世編

席方二公疏
卷之一

賑粥

平露堂

酌緩急乃可以地言之江北廬鳳淮揚滁和諸州府
災爲甚江南應天太平鎮江次之徽寧池安蘇常又
次之此地有三等難于一例處也以戶言之有絕爨
枵腹垂命且夕者有貧難已甚可管一食者有秋禾
全無尚能舉貸者此民有三等難于一槩施也臣日
夜籌畫今有司倉廩旣虛戶部錢糧又難遍給考古
荒政可行于今者唯作粥一法不煩審戶不待防姦
至簡至要可以舉行而世俗咸謂不便蓋緣曾有舉
然林次崖
謂作粥但可以濟極貧有病之人而不可施之其他
于一城不知散布諸縣以致四遠饑民聞風併集主

者勢不能給。致民相聚而歿。遂謂此法難行。今總計南畿作粥。江南北可四十二州縣。大都大縣設粥十六所。中縣減三之一。小縣減十之五。諸所設粥處。約並日舉。凡饑民來者。無論本縣隣境。軍民男女老幼。口多寡均粥給濟。起今十一月半。抵麥熟止。計用米十六萬石。用銀十六萬兩。可活人二十餘萬。取用有數。未致太糜。賑卹有等。不致虛費。簡直而奸欺難作。平易而有司可舉。此法一行。窮餓垂死之人。晨得而暮即起。其效甚速。其功甚大。扶顛起斃。未有急于此。

時文襄巴峯。江西北。臨濟疏上。

即命行之。并蘇江前。趙撫一體施行。

三朝綱目卷之十一
卷之一
者竊謂此法非特宜于南畿實可推于天下因作爲
賑粥活命事宜開列條款裝演成帙以獻

議定大禮疏

定大禮

三代之法父歿子繼兄終弟及自夏歷漢二千年未
有立姪爲皇子故事漢成帝以私意立定陶王始壞
時文舉爲宗伯主此議
三代傳統之禮宋仁宗立濮王子英宗即位始終不

肯稱濮王爲伯今皇上生于孝宗崩後二年乃

不繼武宗大統超越十有六年天下上考孝宗

天倫大義固已乖悖又未嘗立爲皇子與漢宋故事

大不同。自古天下無大宗小宗亦無所生所後禮經所載乃大夫之禮不可語于帝王且伯父子侄皆天經地義不可改易今以伯爲父以父爲叔倫理易常是謂大變夫得三代傳統之義遠出漢唐繼嗣之私者莫若 祖訓今祖訓曰朝廷無皇子必兄終弟及則嗣位者實繼統非繼嗣伯自宜稱皇伯考父自宜稱皇考兄自宜稱皇兄胡可改也今 皇上于 獻帝 章聖已去本生二字復下臣等議臣書臣聰臣萼臣獻夫及文武諸臣皆議曰世無二道人無二本

孝宗皇帝本伯也，宜稱曰皇伯考，昭聖皇太后，

本伯母也，宜稱曰皇伯母，獻皇帝本父也，已去

本生，宜稱曰皇考，章聖皇太后，本母也，已去本

生，宜稱曰聖母，武宗仍稱皇兄，莊肅皇后宜

加徽稱曰皇嫂，名義如此，允合天理之正，深即人

心之安，尤願皇上仰遵孝宗仁聖之德，念昭

聖擁翊之功，孝敬益隆，始終無間，此正名定分，父得

爲父，子得爲子，兄授位于弟，臣受位于君，大倫大紀，

兩有歸矣，奉神主而別爲禰室于至親，不廢隆尊

號而不入 太廟。于正統無干。尊尊親親。兩不悖矣。是則一遵 祖訓。允合聖經。追復三代數千年未明之典禮。盡洗漢宋悖經違理之陋習。非聖人其孰能之。

議覆立世室

獻皇世室

陛下自入繼大統。首以 尊號主祀。下廷臣議。誓訂三年。更詔二次。議論未合。上下乖忤。昨歲始虛心平氣。會疏上議。以 孝宗敬皇帝爲皇伯考。 恭穆獻皇帝爲皇考。 昭聖皇太后爲皇伯母。 章聖皇太

后爲聖母，武宗毅皇帝爲皇兄，奉迎安陸，考主

于大內祀以

天子之禮大倫既正，大統以明，至于

祀典，別奉祀于大內者，以

此議允恰後，主入廟之議者非諸公本獻皇帝，止生

皇上一

意也人家廟之祭，不可缺也。

太廟不敢議入者，以獻

皇帝未爲天子，大統之正，不可干也。彝倫叙，紀統明

誠，可以質鬼神而建天地矣。今淵乃私逞小智，妄爲

而改正禮

諛詞，臣謹以其無稽之言，辨正一二，夫所爲世室者，

王制天子七廟，三昭三穆，與太祖之廟而七，一世自

立一廟，與今同堂異室，規制不同。成周廟祭，至懿王

之世。文王當祧。孝王之世。則武王當祧。以文武並有功德。乃立文世室于三穆之上。武世室于三昭之上。與始祖后稷之廟皆百世不遷。此之謂世室。我國家

太祖始建四廟。

德祖居北。

熙

懿

仁三祖各

以昭穆東西相向。後又援漢明故事。

漢明帝也。東都僉約。改建立廟。

改建同堂異室。

制歷代遵之。

以從簡便。故我朝議祧當以

太祖擬文世室。

太

宗擬武世室。今

恭穆獻皇帝由藩王追稱帝號。未

爲天子。未有廟號。乃欲比之

太祖

太宗立世室

以祀

太廟。此其言之不經也。所謂禘祭者。古者祭

皇明經世編

席方三公疏

獻皇世室

五

平露堂

始祖之所自出。以始祖配之。在周則帝嚳是也。我朝

列聖相承。迄于今日。推所自出之帝。德祖以上。已

不知所自。淵乃以

淵之不學無術如此

獻皇帝爲所自出。此又其言之

不經一也。所謂禰廟者。先日諸臣多謂天下未有無

禰之廟。故欲以

孝宗稱禰考。逮數年論定。改稱皇

伯考。而以禰考歸于

獻皇帝。名義始正。今

觀德

殿者。即係禰廟。但不可刻序于昭穆間。何淵乃曰禰

廟得所。而後各位相須。是本無禰。而必欲立一禰于

昭穆之間。然後

太廟之名始稱情也。又曰禰廟得

正而後有光正統審如所言則皇。上。于。太。廟。中。
原。無。禰。考。將。不。得。入。奉。大。統。之。宗。祧。乎。此。又。其。言。
之。不。經。一。也。昔。醫。士。劉。惠。上。言。欲。更。觀。德。殿。名。已。

蒙 聖斷發戍邊衛臣嘗上大禮考議曰假使桂萼
張璉謂 獻帝可以入 太廟非獨諸臣欲誅之臣

先攘臂誅之今淵欲以 御定殿名改同文武世室

獻皇帝舊在藩服一旦與 祖宗在帝位者並列昭
穆之間非獨 獻皇帝無以見 祖宗 陛下由此

亦得取議當時遺譏後世臣殊歎以爲不可乞斷自

宸衷正何淵之罪而寢其議使天下曉然知陛下
議禮乃疇咨在廷諸臣而非儉人利口所能搖惑則
一代典禮足以徵信四方昭訓萬世

論光祿寺厨役

光祿厨役

邇者光祿寺卿崔傑以厨役缺人移文原籍勾僉非
便欲揀選餘丁千名人給米四斗及量收在京善庖
者二三百名以充已奉俞旨蓋謂止費見役四百人
之糧可得千人也臣竊以爲不然舊例真正入冊餘
丁聽令在寺隨同父兄役辦候父兄有缺之日隨補

食糧初無在役久近限期亦無給與糧賞事例蓋出
所願欲非強之也今乃給之食未是正糧之外加米
四千八百有奇名爲省費實增費矣且此輩原有定
額不可多收如收善庖者濫充恐頃年奉詔查革詐
冒之徒夤緣復入隨到隨逃虛費糧賞非所以明禁
令而懲奸欺也宜遵舊額或各省有司亟勾僉缺役
以補便

方文襄公奏疏

疏

方獻夫

會議祝文

太廟祝文

古者天子七廟。廟各行禮。載籍已遠。祝詞無考。惟文獻通考載唐開元禮。玄宗時享宗廟祝詞。則獻懿太代四廟。俱稱廟號。高祖太宗以下。則稱高曾祖考。及廟號。中宗則稱皇考。伯考。然亦各室行禮。而非合祭。今不可據。我朝洪武間。太廟祝文云。高曾祖考四廟。太皇太后沿襲至今。臣等竊詳。太皇雖指祖考。太后雖指祖妣。而文義未明。若嫌于獨祭。太皇后者。今奉聖諭更定。太皇后之稱。固已明。

白但 七廟猶是混稱如內閣所擬歷舉 廟號當

矣然猶缺稱考妣若必各廟稱某 祖考妣則 高

曾之上無以爲詞難以行久今宜于首總稱曰 皇

祖考妣然後自 德祖玄皇帝 玄皇后 太祖高

皇帝 高皇后而下歷舉廟號至于 孝宗敬皇帝

則仍稱 皇伯考 武宗毅皇帝仍稱 皇兄則煩

簡適中經久可行矣。

條上合行禮儀 悼靈耐廟

悼靈皇后正位中宮禮宜耐享 太廟但今 大廟

內 九廟之制已備。臣考唐宋故事。后于太廟。未有本室。則創別廟。故曲臺禮有別廟。皇后祫禘于太廟之文。又禮記喪服小記。婦祔于祖姑。祖姑有三人。則祔于親者。釋之者曰。親者謂舅所生母也。今 孝惠太皇太后實 皇考獻皇帝之生母。則 悼靈皇后當祔于 奉慈殿 孝惠太皇太后之側。臣謹上合行禮儀。

朋黨論

張桂之黨

近者大學士張璠尚書桂萼去位。而科道等官論劾。

其素所與者咸指以爲黨。屢下吏部覆奏。臣按陸聚

用刑子餘終身廢樂矣

奏內二十人。岳倫奏內八人。王化奏內二十一人。六

科會奏二十八人。十三道會奏三十三人。臣竊詳奏

內所指姦惡不容清議者固有而善類受誣者亦多

一概目以爲黨。繩之太過。豈不至空人之國乎。且昔

年攻摠萼者。既以爲黨而去之。今之附摠萼者。又以

爲黨而去之。縉紳之禍。何時而已。是宜出自聖斷

勅下。吏部博稽公論。甄別善惡。不問黨與不黨。惟考

其爲人。平日何如。果姦險有徵。足以害事者去之。其

餘迹涉疑似。無有顯過者。悉令如舊供職。以安人心。則事無枉濫。而國體少全。但臣與璉、萼二臣。同爲議禮之人。理宜引避。請特命吏部左侍郎董玘等會同九卿堂上官。從公覈實奏請。

災異陳言

修省實政

臣聞和氣致祥。乖氣致異。不易之理也。今君臣闕同遊之樂。宰輔少和衷之美。大臣乏休休有容之量。羣臣無濟濟相讓之風。德化未洽。災沴荐臻。咎實在此。消弭之術在陛下和德于上。九卿百執事和衷于

下然後戒飭諸臣責成守令省刑薄歛賑窮恤孤則德澤下流而和氣至矣臣又聞易曰雷雨作解君子以赦過宥罪近者詔錄議禮降謫之臣人皆稱德矣而充軍爲民如俞寬馬明衡等或流竄荒郊或窮匿草野其悔艾感悟尤必有甚焉宜一體收召以擴宥罪之仁亦省災消戾之一道也又今郡縣守令多不得人蓋由進士額少勢不得不用舉貢充入途輕人玩自難稱職今宜倍取進士五六百名百名以外悉疏入上以多取進士其途猶狹議今舉行三途並用置三甲以次銓注知縣仍令吏部畧倣漢法著爲令

皇明經世編

席方二公疏

修省實政

十

平露堂

卷之一

不由知縣者不得推臺郎。不由郡守者不得至侍郎
列卿。庶可以休養齊屹而導迎和氣也。

皇明經世文編卷之終

皇明經世文編卷之一百八十四

華亭

徐孚遠閣公 宋徵璧上木

選輯

陳子龍臥子

李

雯舒章

秦 鏡光四叅劄

王司馬奏疏

疏

王 軌

處河患恤民窮以禪治道疏

治河

恭惟 聖朝建都于西北而轉漕于東南運道自南而達北黃河自西而趨東非假黃河之支流則運道

淺澁而難行。但衝決過甚。則運道反被淤塞。利運道者莫大于黃河。害運道者亦莫大于黃河。河勢遷徙無常。有非人力所能強治者。然避高趨下之性未嘗異也。爲國計者。苟不盡心竭力。而爲之於可爲之時。壅遏以違其性。逼迫以激其怒。及霖潦決旬。必致橫決肆出。而遺患于地方矣。善治水者。因其性。順其勢而導之。則用力少而爲利多。不善治者。或鑿自私之智。或泥已往之跡。不察水性之宜。而欲強挽其不可廻之勢。決無可成之理。又不若不治而聽其自然之

爲愈也。故臣愚以爲今日之工，但當疏濬其流于下，防遏其源于上，使不至于大爲害耳。謹按黃河支流分入運道者，大略有六。若六道分流，水勢減殺而不怒，豈至爲患。但從來治河各官，因循度日，自渦河之源塞，則河徙而北，并出小黃河溜溝等處，而淮安徐州受其害，曾不數年前，三四處支流盡塞，而河益北，併出飛雲橋，則豐沛鞠爲巨浸，而金溝一帶，運道淤矣。此則河勢漸徙而北之驗也。幸此數處東西俱山，溢出之水，尚可因之以濟事。如今歲金溝之運道雖

塞而昭陽湖實通舟楫是也。若不先時併力預爲之

是時河發而北故吳其入海今則同

計。河益徙而北。東南無山可恃。徑奔入海。則安平鎮

故道可虞也。衝突之勢。則單縣谷亭百萬生靈之命

可念也。萬一或出於此。濟寧之北。臨清之南。運道諸

水。俱被混帶。入海糧運何由可通。臣愚以爲六道分

流之勢。當擇其可爲者而導引之。使分于南。庶幾來

可免衝決大患。此則下流不可不疏濬者也。然則保

豐沛單縣谷亭一帶居民。以須築堤以障其西北。况

此數處。俱有舊堤可因。爲役稍易。在上旣無溢出之

水其下自無滄沒之患矣。此則上流不可不隄防者也。若金溝運河必欲復故道，不若就湖之爲便。就湖之中，但恐沙隨而至。識者以爲不若于湖之東引水。贊爲運道，建閘以節水下，自留城以達沙河爲尤便。其地脈水性之順否，閘壩之因革，又在治河各官臨時相度，不可執一而廢百也。然大役之興，爲費不貲。切慮河南山東徐沛之民，自遭流賊肆毒之後，飢饉薦臻，窮困已極。臣日見挑淺夫役，身無完衣，面有菜色，立於水中，歲無休日。正身十有三，極爲可憫。包

當十有六七、重收役錢、而令老弱塘塞、是又徒費民財而無實效、延引日月、工何由成、若再起大衆、以竭其力、派物料以匱其財、輸納不前、敲朴必慘、民心一失、其爲患又有甚于河者、臣誠至愚、深爲宗社憂之、沿途但遇士夫、及地方耆老人等、備細咨詢、咸言必得官銀數十萬兩、使人夫出于僱役、物料悉由官買、則河患民窮、兩得其濟、臣切惟我皇上仁覆憫下、益之如天、若捐銀數十萬兩、可以消河患、而救困窮、必撫所惜、但府庫有限、費用無窮、切恐無以給之、臣

備員留都。熟知江南鹽價湧貴。而淮鹽沮格不行。多由巡鹽掣鹽各官上下相承。以避詢保官爲念。不肯赤心通商裕國。臣愚欲望 皇上另勅新任總理河

道大臣。督同巡鹽御史。整理鹽法。聽其便宜。多方區畫。務俾商灶兩便。官民俱利。除正額照舊外。但係措置餘利。悉聽本官於治河項下支用。凡治河大小各官。但求事妥民安。自有無窮令聞。皇上日月之明。必蒙昭鑒。決非浮言所能感動。不必過爲遠嫌。自全之計。以失事機之會。蓋近年積弊。大小臣僚。肯任事

任怨者少。故臣願 天語丁寧，戒諭各官，庶幾得其盡力。臣之所言，未敢必其可行，但目見運道淤塞，可憂，而三處窮民失所，尤可深憂。偶有所見，不敢隱默。

重開通惠河疏

重開通惠河

巡按直隸監察御史吳仲題稱奉 命巡視東倉，備檢接管卷內，見通州開運一節，先該平江伯陳銳都御史李裕、臧鳳、俞諫、高友璣、御史薛爲學、楊儀、楊璋、秦越、向信、主事鄺珩、給事中翟瓚、鎮遠侯顧士隆、署都督楊宏，各題前事，內向信一疏，尤爲明白簡當，鑿

鑿可行，但事屢諫而竟無成，言雖切而卒無補。臣竊思之，水陸轉運其勞逸省費較然甚明，况陳銳等多累朝漕運名臣，言必不妄，臣因攷之元史。至元二十九年，都水監郭守敬建言疏鑿通州通惠河，引水置閘，興工之日，世祖命丞相以下皆親畚鍤爲之倡，置閘之處，往往於地中得舊時磚木，時人爲之感服，船遂通行，公私兩便。先時通州至大都五十里，陸輓官輓，歲若干萬，民不勝其瘁，至是皆罷之。自是漕運無轉般之勞，而一代事功卒歸于守敬焉。及攷金水海

子曰浮甕山諸誌典籍昭然而可據踪跡尚在而可尋何獨至于我朝必欲置閘河於無用費腳價而不惜哉臣又恐有風水家之說因訪之上源見於諸陵無損迺其末流於都城無害且源頭活水運亦流不運亦流初不因運之行止而爲河之開塞水之盈錮此理甚明足破羣惑况通流等八閘閘石見存無事於添補閘夫見在無事于添僉閘官見在無事于添設近年營建大木皆由此河直達大通橋下滔滔而進叅將王佐曾舉而行之特易易耳但每至垂成輒

復中止者祇爲權勢之車輛罔利之牙稅不便所阻。

臣又攷之元史漕運糧儲南木諸物商賈舟楫皆由

通惠河直達海子登岸未聞灣民餓死况今止通軍
民運船其官私貨物仍舊亦未爲全絕其利源也臣

竊料開運一年可省腳價銀十餘萬兩今當民窮財
盡之時於國計不爲無補臣幾欲具疏上聞猶恐識
見未真料理未周不果繼而見在京各衛因往通州
開糧或被官吏冒破或被行伍騙匿或子姪不肖而
花費空手而回或陰雨連旬而放遲無盤纏過半累

累呈告到臣，皆爲有名無實。臣因攷之唐都關中，宋都河南，皆由汴由渭直達京師。未聞有貯國儲于五。十。里。之。外。者。我。朝。通。倉。其。初。如。徐。德。等。倉。故。事。只。有。神。武。中。衛。小。倉。已。後。因。漕。運。來。遲。暫。將。京。儲。收。貯。通。州。以。待。轉。般。因。循。一。代。官。軍。不。沾。實。惠。而。欲。具。疏。上。聞。未。果。然。此。特。其。利。害。之。小。者。耳。臣。近。因。空。運。邊。糧。備。訪。邊。關。塞。堡。險。夷。遠。近。以。備。下。虞。因。知。密。雲。等。處。皆。有。間。道。可。通。若。使。奸。細。爲。之。向。導。輕。騎。疾。馳。旋。日。可。至。或。據。倉。廩。或。肆。燒。燬。國。儲。一。空。則。京。師。坐。困。矣。

雖有言者，但有以開運省費爲言，而卒莫有以先代之故事間道之危機爲 陛下告者是宜。 陛下信之不專，行之不決也。語曰：人無遠慮，必有近憂。傳曰：成大事者，不謀于衆。惟 陛下留神省察，謀之二三元老大臣，而獨斷焉。萬一臣言或是，誤蒙採納，卽今漕運會議在邇，乞勅戶部、工部查照先令節次題覆事例，一併議處。就着巡倉御史會同工部管開修倉主事兼理開運，開板見存，修補借之各廠，少有疏濬，并其他用度量支修倉餘剩巡倉贓罰，并所省腳價。

民財民力，一不妄費。大運京根，姑聽陸路自進。且令覓船雇人，略運百萬以試之。如果可行，就將省下銀兩，蓋房造船，築堤展河，次第舉行。所爲三七通糧，漸撥京師，自二八一九而全輸矣。與國家自然無窮之利，杜後世意外不測之虞。所謂富國彊兵，殆一舉而得之矣。等因具題奉 聖旨戶工二部便查議了來說。欽此。欽遵抄出送司案呈到部，擬合就行。爲此合咨前去，煩爲查照會議，覆奏施行。等因咨部送司查得成化八年，該漕運總兵官平江伯陳銳爲陳言便

利漕運事該戶部議准興工挑濬聞該司禮監太監
懷恩傳奉 聖旨大通橋一帶工費浩大暫且停止
欽此正德二年該巡按直隸監察御史楊儀題爲公
務事開稱挑濬大通橋至通州闡河以便運糧等因
奏行戶部覆奉 聖旨修理闡河着戶工二部上緊
議處預先整理務濟明年漕運其餘准議行欽此已
經動支太倉收貯水兌腳價等銀二萬二千餘兩推
委漕運叅將梁璽協同戶部郎中郝海本部員外畢
昭興工挑濬去後未見成功至正德六年間據本部

管關主事鄭珩爲節財裕民以圖治安事呈准每年
行取剝船五百隻添該關夫三百名以備搬剝等因
奉 聖旨前項夫船俱令查革改正仍着運糧官軍
自行照舊雇車搬運欽此又于正德十一年八月內
該工科給事中翟瓚爲疏通漕運節財用以大利軍
民修理運道徒費無益乞要多官會議開修運河等
因奉 聖旨該衙門知道欽此欽遵抄出到部行間
續該監察御史張欽題爲節財用順人情以利軍民
事運河不必修濬陸路實爲簡便等因又經本部會

官議題節奉 聖旨是這修理等項事宜着原差侍郎等官一併勘處停當來說備行巡撫都御史李瓚巡按直隸監察御史牛天麟并戶部主事等官董琦等看得前項河道屢議屢修而卒無成功者陸路實爲經久等因節奉 聖旨是這修理事宜你每勘處停當都依擬行已經欽遵會官將前項陸路欽差戶部侍郎楊潭本部侍郎劉永督理修砌完備外查得嘉靖元年四月內准戶部咨開稱提督漕運都御史臧鳳鎮遠侯顧仕隆題京城大通橋至張家灣一帶

河道乃前元轉運通渠永樂宣德年間重加挑浚根
運抵京未幾貪利之徒沮滯近年營建大木悉由于
此若將此河原設五閘少加修理轉行漕運衙門動
支官錢打造剝船共二百五十隻每船用官軍四名
共一千名仍置口袋一萬條輪番領裝悉聽叅將王
佐委撥官軍管領撐駕等因已經戶部會同吏部尚
書陸完等題准轉行叅將王佐會同巡倉御史秦鉞
本部管閘主事華湘欽遵從宜處置閘隨該御史秦
鉞亦題前事要因八閘之舊址起築五閘之新制就

於其後各置減水閘一座於內打造剝船蓋造官房
收貯糧米次第至大通橋其朝陽閘原有舊河一道
已經築爲城壕應否疏通等因題奉 聖旨該部看
了來說抄出查覆間又該巡按直隸監察御史向信
題稱大通橋至通州一帶開河累議未修今稱築壩
蓋房不必置蓋每聞轉行漕運衙門打造剝船五六
十隻恐緩不濟事或暫令張家灣河西務一帶居民
聽其造船覓利等因本部已經議得陸路運至太倉
不過四五十里車運脚費雖多一日可抵倉內船運

脚費極省，至大通橋下，亦當陸運，約四五里，必須車
羸裝駝，方得批急，所以近橋須立廠，蓋房堆候車羸
亦當預處，且因張家灣卽入閘河，經閘三四，方抵通
州，近該叅將王佐處置運船，俱由大河直抵通州城
下，或者又謂城址置創一閘，可省前項四閘，雖爲捷
徑，但河勢地形高下，須相度停當，方可舉行等因題
奉 聖旨，已經通行勘議去後，近查得嘉靖五年三
月內，該都總督漕運都御史高爰璣摠兵官楊宏各
題修治道路，以便運餉事，張家灣至京城朝陽關外

運道六十餘里，高下不平，先因雨水，車羸負載糧米，俱遭陷溺，乞要戶工二部計議，早起人夫，差官設法填墊，或欲開河設置，疏通船隻，水陸併行等因，又經議擬覆奉。聖旨是，戶工二部便差能幹屬官一員前去會同巡倉巡城等官，督率府州縣應管人員，相度修治，務在早完，以便糧運，開運事告罷。又經通行委官行勘修理，間緣夏秋時月，雨水連綿，道路泥濘，車不得行，反爲運道之阻，合無查照先年運官萬表所議，量撥軍夫，隨宜填墊，特目前一時之急等因，覆

奉 聖旨已經轉行提督漕運總兵楊宏量撥軍夫填墊外、今該前因通查案呈到部、臣等會同戶部尚書鄒文盛等、議得巡按直隸監察御史吳仲、題稱通州開運、屢議而竟無成、及考諸志典、乞照先節次題覆事例、一併議處、就着巡倉御史會同該部管開修倉主事兼理開運、量丈修倉餘剩、巡倉贓罰、并所省脚價、民財民力、一不妄費、如果可行、就將省下腳價、蓋房造船、築堤展河、次第舉行一節、爲照前項河道、屢經建議、俱未成功、今本官歷陳先代之故事、慮

及間道之危機、省費轉輸皆有所據、但河道形勢難
度、財力所資浩繁、事體重大、相應勘處停當、方可舉
行、合無候 命下之日、戶部選委屬官一員、與本部
管閘修倉主事會同巡倉御史、親詣各閘踏勘形勢
高下、計料所費工力、除各閘一應椿杉等項、應合增
置船隻、修房築堤、及河道淺窄處所挑濬、及將上源
水勢向背、地里遠近、可以疏引水歸故道、及照大通
橋抵倉、亦合另設陸運、作何處置、各項合用工料錢
糧、所奏修倉餘剩、巡倉贓罰、及所省腳價、有無穀用、

務從長使經久可行。逐一會處停當。通將勘過河道高下及所計工程畫圖造冊回報。以憑會請裁奪。若或有碍。亦要明白開呈。勿致中止。虛費財力。其所議通糧全輸京倉。以興無窮之利。以圖意外之虞。姑候修河畢日。另行會處等因奉 聖旨。修濬河間。委係轉漕便利至計。永樂年間已有成筭。後乃因循。不曾舉行。近年屢議修復。皆爲附近貪利之徒所阻。亦因大臣不肯任事。小官徒事虛文。凡今東南民力困竭。漕運軍士疲敝。苟有寬宥之策。豈可因循不爲。着戶

工二部各委堂上官一員會同漕運總兵叅將并原
經錦衣衛都指揮王佐及今所奏這事御史吳仲等
親詣彼處地方稽查先令謙處事宜踏勘地形高下
計筭所費工力究竟修否利害明白具奏定奪大事
可成則勞費不足計國計有補則浮言不必沮若奸
豪之人恐妨已利故爲騰謗撓阻聽緝事衙門訪拏
究問隨該各該覆題節奉 聖旨差王輒何詔去各
欽遵備劄到臣等欽遵隨會同漕運總兵官楊宏叅
將張奎錦衣衛都指揮王佐御史吳仲除永樂年間

事體卷案不存無憑查攷外稽查得先年節該諸臣
奏建開河一事俱該戶工二部查議題覆修築或因
工程浩大暫止或欲候豐年暫停或爲勢要罔利之
徒所阻以此俱各未見成功臣等謹照漕運糧儲國
家大計容受之多車不如船陰雨之行陸不如水舟
車並進脚價倍省此開河之所以不可廢也自大通
橋起至通州白河止開壩規模具在修築必可通行
前代君臣尚能典舉其事舳舻直抵海子今之開運
止于搬剝而復屢行屢止者固由勢要奸徒罔利所

隘亦由地勢漸高。流沙淤塞。大通橋至白河僅四十里。其地形高下。相去六丈有餘。使其不訐。多費錢糧。大興工役。開深七丈。再加廣濶。水勢就下。通引白河。則運糧大船。直達京城。而諸閘可以不用。固永久之利也。但工程重大。切近都城。不敢輕議。爲今之計。只因循照舊規。挑濬河閘。臣等陛辭之日。自大通橋沿河逐閘踏勘形勢。大略此時閘門洞開。初冬水涸。流波尚且不絕。若各閘皆閉。水盈可待。至通流閘。坐于通州舊城之中。經二水門。南浦土橋。廣利三閘。市井

輻輳之地。兩岸居民闐闐鱗集。櫛比搬運糧米。大爲不便。看至本城西至白河之舊。有河通過城北一面。中有舊廢土壩基地。西至不一里。至今堰水小壩。謀須挑濬河身。因舊壩添築高濶。多有橋木。磚石。幾砌。平時習水行舟。水大聽其漫流而過。由此徑達普濟。閘可省四閘。兩閘搬運之難。閘壩相去寫遠。合添設閘官吏二員名。閘夫十名。分管普濟通流二閘。看守新閘。以防盜決。仍會委戶部管糧。工部修倉管閘等官。分投各閘。并舊壩地方。踏勘丈量。應該修濬築壩。

去處計工估費，行據各官呈報，會計得修理閘座，挑
溶河身，築砌新壩，合用工料價銀一萬，自新壩起至
慶豐關，計搬五處，各用剝船六十隻，共船三百隻，每
隻載米一百五十餘石，日運約有萬石，船隻造于漕
運衙門，口袋出于包運經紀，人夫聽其雇覓，篙簞隨
其本船，置造船隻，每隻該價銀三十五兩，三百隻共
銀一萬五百兩，造完至日，交付船運經紀人等，每名
管領一隻，時常看守，壞損修理，其原借官銀，仍行每
年腳價銀兩內，扣除十兩還官，三四年間，可以二足

每船每閘議定船運撐挽脚銀一兩，壩五處共銀伍兩，自大通橋馬頭登岸，合用小車驢羸裝運，每船糧二百石，議定脚價六兩，每糧一石，常年陸運，原費脚價銀一錢，今止用五分五厘，可省四分五厘，通計二百四十萬石，京倉糧米，可省銀共十萬八千兩，若使皆由閘運，切思恐糧多人少，船運稽遲，反致有悞，晴日路乾，聽車輛一面，照舊載運，水路並進，則漕運官軍完糧之日，可得早回月餘，預兌下年糧米，陸運羸車，責令徑赴西倉閘運，小車驢羸，只令運至東倉，遠

近均便爲照大通橋地方窄狹人烟輳集有妨起陸
若干慶豐閘下登岸運糧又省二閘搬運勞費亦合
聽從立法非難而難于守法任人非難而難于得人
苟非其人則法雖善亦不久將廢矣今後合無戶工
二部暫添選委郎中或員外郎各一員兵部推選曾
經漕運歷練老成勤能指揮一員查照先年事例用
充叅將任劄通州專管輕齎銀兩修理閘河船運糧
米給散腳價及管天津以北催僸糧運仍各會同巡
倉御史俱領勅行事嚴督選委府衛州縣的當幹濟

官員雇募人夫，并通州等衛遮洋運糧軍餘一萬名，分爲二限，作急修理築濬，務在堅完。糧運若到，各官分投閘壩，坐守督運，禁革奸弊。閘運通行之日，奏請取回，量加擢用。每閘壩各造官廳三間，廠房二十間。兩岸修築馬頭地方，泊船搬運，剗平沿河牽路，便于行船。官廳卽今起蓋，廠房以漸續成。工料腳價查借見在修倉餘銀二千兩，巡倉衙門贓罰銀一千兩，漕運衙門今年改撥通州收糧扣除腳價銀四千五百餘兩，如有不足，另借太倉銀兩應用，待後省出腳價。

餘銀逐一補還。閘板木料磚石工部各廠取用。如或不敷。官銀買辦。又訪得運糧入倉。多被門官歇家伴當光棍人等。指留糧袋。索借前銀。乞勅廠衛并西司房緝事衙門。拏送法司。照依打攪倉場事例。問擬枷號發遣充軍。庶漕運疏通。錢糧節省。如此則閘運一事。有利而無害。有得而無失。可爲世守之法。而大造軍民之福矣。再照通州京輔之地。兩城夾固。三倉豐儲。居集萬家。守以五衛。亦當積蓄以安人心。不宜過慮搬運。自起驚疑。及查河海之水。出於西山玉泉。由

海子繞流大內玉河出沿城至大通橋其間事理或時之旱澇或流之巨細啓閉通塞又非外人所能與者前項節財興利事情卒賴 聖明御極廟堂力主于上百執事奔走于下董事興工何有不濟臣等會同查議明白今將修濬閘河畫圖貼說一本進呈御覽伏乞 聖明定奪勅下該部再加詳議施行